

## Wien, Österreichische Nationalbibliothek (ÖNB), Cod. 1275

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. I. Pars I. Wien 1793.

131

## C O D I C E S

132

expositione me Lexica destituunt.  
Legitur praeterea fol. 17. p. 1.  
*Ascensio domini bodie. VI. N.*  
*maii. Anno domini m<sup>l</sup>XXVIII.*  
*mariani miseri domine miserere.*  
Meminit Codicis hujus egregii  
*Lambecius T. II. p. 749. edit.*  
*Kollar. col. 526. qui tamen Notas marginum, quae, ut dictum est, locis PP. constant, pro ipsius Mariani foetu habuisse vindetur.*

LIX. VIII. 8. 4.

353 Codex membraneus lat. Sec. XII. Folior. 105. f. propter glossas marginum et interlineares columnam angusta, lineisque laxis nitide exaratus, rubricisque distinctus continet omnes *D. Pauli Epistolas*, quarum prima inscribitur: *Incipit Epistola Beati Pauli Apostoli Ad Romanos.* Praedit illam breve quoddam argumentum hoc initio: *Quamvis in Euangeliō et correptio morum et uite humanae doctrina contineatur &c.* Textus Epistolarum sat emendatus, Glossae partim ex ordinaria *Walafredi Strabi*, partim ex interlinearum *Anselmi Laudun.* de promtiae sunt. Illud peculiare, quod soli *Epistole II. ad Corinthios*, et *Epistole ad Galatas* Summaria exacta praefixa sint, quae utrobique Tituli inscribuntur. Inter *Epist. ad Philemonem* et *ad Hebreos* tria inseruntur Segmenta. Primum est C. V. five *Vita D. Pauli e Catal.* *Illustr. Viror Hieronymi.* Alterum e *Libro Hermetis* (*Hermae*) *Pastoris Mandato III. de*

Conjugibus adulteris. Tertium de Genealogia *B. Mariae*, quod incipit: *Anna et esmeria fuerunt sorores &c.*

LX. VIII. 8. 4.

Codex membraneus lat. Sec. 360 XIII. Folior. 40. f. minutius sed sat nitide perscriptus, rubricisque distinctus continet *D. Pauli Apostoli Epistolas* ex interpretatione vulgata, eo ordine, quo in Editis habentur. Adspersae sunt cum in marginibus, tum inter lineas *Notulae*, quae nec ex *Anselmi Laud.* nec ex *Walafredi Strabi Glossa* provenere, versus medium decrescunt, versusque finem rursus copiosiores evadunt. Exemplo sit, quod ad v. *vocatus* statim in limine *Epist. ad Rom.* notatur: *Vocatio fit multis modis. aliquando per solam predicationem. aliquando per grauissimam infirmitatem uel aduersitatem. aliquando per miracula euidentia. aliquando per occultam inspirationem &c.*

Fuit Codex hic olim monasterij sancte crucis in lympurgh inter spiram et Wormaciam ciuitates preclaras, quod Abbatem celebrum habuit Rupertum, cuius quaedam dedimus inter Homiletica.

Afferculo posteriori adglutinatae sunt *Literae Philippi Episcopi Albanensis*, quibus *Friderico de Rudesheim Maguntin. dioc.* Uxoriique et Liberis conceditur electio Confessarii ad Quinquennium in ordine ad absolutionem exceptis Casibus Sedi Apostolicae reservatis, et Votorum commutationem ex-